



Food Safety Agency of Bosnia and Herzegovina

Broj:

Mostar,

Na osnovu člana 68. Zakona o hrani („Službeni glasnik BiH“, broj 50/04), člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija za sigurnost hrane Bosne i Hercegovine, p o d n o s i

IZVJEŠTAJ O RADU

AGENCIJE ZA SIGURNOST HRANE BOSNE I HERCEGOVINE ZA 2021. GODINU

I - UVOD

Agencija za sigurnost hrane Bosne i Hercegovine (u daljnjem tekstu: Agencija) obavlja djelatnosti i zadatke u skladu s odredbama Zakona o hrani („Službeni glasnik BiH“, broj 50/04), Zakona o genetički modificiranim organizmima („Službeni glasnik BiH“, broj 23/09), podzakonskim propisima koji uređuju sistem sigurnosti hrane, kao i zakonskim i podzakonskim propisima koji uređuju funkcioniranje organa državne uprave.

Budžet Agencije odobren je, u skladu sa Odlukom o privremenom finansiranju institucija BiH („Službeni glasnik BiH“, br. 1/21, 22/21, 44/21 i 63/21) u iznosu od 1.582.000,00 KM. Odobreni budžet korigovan je za iznos od 28.185,55 KM (od čega 11.967,79 KM prenošenjem sredstva po osnovu donacija iz 2020. godine i uplate u 2021. godini u iznosu od 16.217,76 KM, od Evropske agencije za sigurnost hrane (EFSA) na ime programa posebne namjene (0810010). Po osnovu donacije sredstva EFSA – projekta (0810030) budžet je korigovan za iznos od 101.870,84 KM od čega je iznos od 4.327,73 KM prenošenjem sredstava iz 2020. godine i uplaćenog iznosa od 97.543,11 KM u 2021. godini. Agencija je prenijela u 2021. godinu sredstva iz 2020. godine na ime projekta 0810040 fond 10, a odnose se na sufinansiranje u skladu sa IPA 2018, u iznosu od 29.740,59 KM tako da ukupno raspoloživa sredstva za 2021. godinu iznose 1.741.796,90 KM. Ukupno realizovani izdaci do dana 09.12.2021. godine iznose 1.341.425,32 KM, što je izvršenje od 77,01% u odnosu na korigovani budžet.

Program 1.1 Procjena, upravljanje i komunikacija rizika porijeklom iz hrane i hrane za životinje

Projekt 1.1.1 Procjena rizika u oblasti sigurnosti hrane

Poduzimaju se pripremne radnje u cilju formiranja Savjetodavnog vijeća, Naučnog vijeća i naučnih odbora u skladu sa članom 54. tačka h) Zakona o hrani. Upravni odbor je usvojio Odluku o izmjenama i dopuni Statuta i Odluku o kriterijima za izbor članova Naučnog vijeća i naučnih odbora. Agencija je u cilju pružanja naučnih savjeta, te naučne i tehničke pomoći pripremila informaciju *Anisakidae u ribi i proizvodima od ribe* koja je namijenjena predstavnicima nadležnih inspeksijskih organa za poduzimanje odgovarajućih mjera u predmetnoj oblasti.

EU RASFF sistem – Agencija je zaprimila ukupno 30 EU RASFF obavijesti o rizicima porijeklom iz hrane. Izvršena je evaluacija obavijesti, pripremanje i dostavljanje obavijesti nadležnim organima u bh sistemu, zaprimanje povratnih informacija, te sačinjavanje povratnih informacija za upućivanje nadležnoj službi EC putem EU RASFF. Agencija je tokom 2021. godine redovno dostavljala izvještaje Evropskoj komisiji o poduzetim mjerama od strane nadležnih organa u BiH koji se putem RASFF WINDOW, SANTE RASFF EC čini dostupnim svim članicama RASFF mreže.

Obavijesti izvan EU RASFF sistema - Agencija je zaprimila ukupno pet obavijesti izvan EU RASFF sistema koje su na daljnje postupanje i poduzimanje odgovarajućih mjera dostavljene nadležnim organima.

WHO/FAO INFOSAN mreža - Od strane INFOSAN kontakt tačke za hitne slučajeve za BiH, zaprimljeno je 10 INFOSAN obavijesti od kojih je jedna zahtijevala dostavljanje povratnih informacija.

Monitoring hrane – U saradnji sa nadležnim organima BiH i entiteta pripremljen je i proveden Program praćenja (monitoring) ostataka pesticida u i na hrani biljnog i životinjskog porijekla u 2021. godini. Ukupno je uzorkovano 120 uzoraka hrane, te je vršeno analiza na prisustvo 192 aktivne materije. Od ukupno 120 analiziranih uzoraka, 79 uzoraka nije sadržavao ostatke pesticida na nivou kvantifikacije, 41 uzorak (34,16 %) je sadržavao ostatke pesticida u/iznad nivoa kvantifikacije, u granicama mjerne nesigurnosti. Nije bilo neodgovarajućih uzoraka.

Saradnja sa laboratorijama – U 2021. godini nastavljena je saradnju sa laboratorijama za kontrolu hrane u BiH u okviru koje su dostavljani podaci o rezultatima laboratorijskih analiza uzoraka hrane i vode za piće. Na osnovu prikupljenih i obrađenih podataka na području BiH registrirano je ukupno 196 slučajeva obolijevanja gdje je hrana potvrđena kao uzrok/put prenosa i to: 33 oboljela slučaja *Salmonellosis* i 163 slučajeva obolijevanja *Intoxicatio alimentaris/Toxiinfectio alimentaris*.

Registar hrane za posebne prehrambene potrebe - U skladu s odredbama Pravilnika o hrani za posebne prehrambene potrebe („Službeni glasnik BiH“, broj 72/11), Agencija vodi Registar hrane za posebne prehrambene potrebe koja je stavljena na tržište BiH i koji trenutno sadrži osnovne podatke o 860 proizvoda koji se nalaze na tržištu BiH, a spadaju u jednu od kategorija hrane za posebne prehrambene potrebe.

Saradnja sa međunarodnim i EU institucijama i organizacijama

Međunarodna saradnja – Saradnja sa Evropskim autoritetom za sigurnost hrane

(EFSA) - U izvještajnom periodu potpisane su izmjene Ugovora o međusobnoj saradnji između Evropske agencije za sigurnost hrane (EFSA), te je isti produžen do 30.04.2022. godine. U skladu s ugovornim odredbama, eksperti iz BiH su i u 2021. godini redovno učestvovali u radu i na sastancima radnih tijela EFSA-e (Savjetodavno vijeće, Mreža kontakt tačaka, naučne mreže iz oblasti pesticida, kontaminanata, genetički modificiranih organizama, dobrobiti i zdravlja životinja, rezidua veterinarskih lijekova, antimikrobne rezistencije i komunikacije rizika). Agencija je, kao kontakt tačka EFSA-e, u izvještajnom periodu koordinirala unos podataka iz BiH o ostacima pesticida, ostacima veterinarsko-medicinskih proizvoda, zoonozama, epidemijama uzrokovanim hranom i BSE/TSE za 2020. godinu u EFSA DCF. Agencija je također podržala aktivnosti na provođenju informativne kampanje EFSA-e „Zaustavite afričku svinjsku kugu“ u BiH.

Realizovano je učešće predstavnika iz BiH na 23 on line treninga u okviru „*Better training for safer food*“.

Aktivnosti u sklopu IPA III – kako bi se omogućila stručna i tehnička podrška nadležnim institucijama u sektoru sigurnosti hrane u BiH, Agencija je u izvještajnom periodu, uz koordinaciju Direkcije za evropske integracije Vijeća ministara BiH, učestvovala u pripremi Akcijskog dokumenta „*EU4 Aligned Food Standards*“. Navedenim dokumentom, koji je u formi nacрта dostavljen na komentare Evropskoj komisiji, za sektor sigurnosti hrane u BiH predviđena je finansijska pomoć EU za usklađivanje standarda sigurnosti hrane s pravnom stečevinom EU, jačanje sistema službenih kontrola i jačanje kapaciteta laboratorija.

IPA 2018 - U izvještajnom periodu nastavljene su aktivnosti u okviru Twinning projekta: *Podrška EU izgradnji kapaciteta i postupnom usklađivanju s pravnom stečevinom EU u sektoru sigurnosti hrane u Bosni i Hercegovini*. Partneri iz EU su Litvanija (Državna služba za hranu i veterinarstvo), Mađarska (Ministarstvo poljoprivrede i Državni ured za sigurnost lanca hrane) i Italija (Istituto Zooprofilattico Sperimentale dell’Abruzzo e del Molise “G. Caporale” (IZS), Italija i Istituto Zooprofilattico Sperimentale Umbria e Marche “Togo Rosati”) dok su institucije korisnice twinning projekta u Bosni i Hercegovini Agencija u saradnji s nadležnim organima Federacije BiH, Republike Srpske i Brčko Distrikta BiH.

Svrha projekta, koji traje 36 mjeseci, je poboljšanje sigurnosti i kvaliteta hrane kroz provedene napredne nivoe politika o sigurnosti hrane i propise usklađene s pravnom stečevinom EU. Projekat je podijeljen na četiri komponente koje će pokrivati sljedeća pitanja: **Komponenta 1:** Pregledani propisi o sigurnosti hrane u BiH i osigurano postupno usklađivanje s pravnom stečevinom EU; **Komponenta 2:** Poboļšani kapaciteti nadležnih tijela i subjekata u poslovanju s hranom za provedbu propisa i standarda EU u području higijene hrane i službenih kontrola hrane; **Komponenta 3:** Uspostavljen sistem registracije proizvoda kao zaštićenih oznaka porijekla, oznaka geografskog porijekla i garantirano dradicionalnog specijaliteta prehrambenih proizvoda u BiH i **Komponenta 4:** Ojačani kapaciteti za procjenu rizika u BiH. Do sada su podnesena četiri tromjesečna izvještaja twinning projekta koja su podržana od strane Nadzornog odbora projekta.

Twining projekat „Podrška EU jačanju kapaciteta i postupnom usklađivanju sektora sigurnosti hrane u Bosni i Hercegovini s aquis“ - U periodu od 08.-12.11.2021. godine u okviru projekta „Podrška EU jačanju kapaciteta i postupnom usklađivanju sektora sigurnosti hrane u Bosni i Hercegovini s aquis“ održana je obuka na temu „Monitoring na prisustvo rezidua pesticida, mjerne metode i mjerna nesigurnost“. Obuka je bila namijenjena predstavnicima laboratorija i nadležnih inspeksijskih organa.

Smjernice za označavanje datuma i srodne informacije o hrani: prvi dio (označavanje datuma) – Agencija je pripremila prijevod *Smjernica za označavanje datuma i srodne informacije o hrani: prvi dio (označavanje datuma)*. Smjernice su namijenjene subjektima u poslovanju s hranom kod odlučivanja o vrsti označavanja datuma, određivanja roka trajanja i povezanih informacija o hrani koje treba navesti na deklaraciji kako bi se osigurali principi sigurnosti hrane.

Smjernice za analitičku kontrolu kvaliteta i postupke za validaciju metoda za analizu ostataka pesticida u hrani i hrani za životinje - S ciljem pružanja podrške laboratorijama uključenim u službenu kontrolu ostataka pesticida u hrani i hrani za životinje u Bosni i Hercegovini pripremljen je prijevod *Smjernica za analitičku kontrolu kvaliteta i postupke za validaciju metoda za analizu ostataka pesticida u hrani i hrani za životinje*. Smjernice su zasnovane na dokumentu Generalne direkcije za zdravlje i sigurnost hrane (DG SANTE) Evropske komisije (Document N° SANTE/12682/2019).

Saradnja sa USAID projektom “Razvoj održivog turizma u Bosni i Hercegovini (Turizam)” – Agencija je u saradnji s USAID Turizam projektom izradila “Vodič za sigurno rukovanje hranom u sektoru ugostiteljstva i avanturističkog turizma” koji služi kao podsjetnik i vodilja svima koji se bave pripremom i posluživanjem hrane za unaprjeđenje znanja o sigurnosti hrane, te osnovnim načelima higijene hrane. Vodič sadrži preporuke i primjere dobre higijenske prakse za pripremu i posluživanje hrane za osoblje restorana, planinarskih domova, seoskih domaćinstava, organizatora izleta u prirodi koji nude specijalitete domaće kuhinje i sl. Na osnovu vodiča, Agencija i USAID-ov Projekt razvoja održivog turizma u BiH (Turizam) razvili su niz online kurseva na *Turizam Academy*, namjenski kreiranoj online edukativnoj platformi za turističku industriju. Osim ovog vodiča, pripremljeni su i drugi edukativni i promotivni materijali namijenjeni osoblju koje rukuje hranom u sektoru ugostiteljstva i turizma, kao i različite obrasci za vođenje evidencija o preventivnom održavanju opreme, temperature čuvanja hrane, prijemu sirovine i sl. Svi ovi materijali dostupni su za preuzimanje i dalje korištenje na web stranici Agencije.

Agricultural Competitiveness and Institutional Strengthening Project (ACIS) - Agencija je nastavila aktivnosti na pripremi projekta „*Agricultural Competitiveness and Institutional Strengthening Project (ACIS)*“, koji je planiran kao nastavak Projekta poljoprivrede i ruralnog razvoja. Projekt za cilj ima uspostavljenje informacionog sistema sigurnosti hrane u BiH (FSIS) sa akcentom na procjenu i komunikaciju rizika.

Projekt 1.1.2 Koordiniranje izrade propisa usaglašenih sa legislativom Evropske unije kako bi se osigurao izvoz hrane i hrane za životinje, te zaštitili interesi potrošača i proizvođača

Propisi o hrani Na prijedlog Agencije u saradnji s nadležnim organima, Vijeće ministara BiH donijelo je dva propisa i to: *Pravilnik o dopunama pravilnika o voćnim džemovima, želeima, marmeladama, pekmezima i zaslađenom kesten pireu* („Službeni glasnik BiH“, broj 35/21) i *Pravilnik o maksimalnim nivoima ostataka pesticida u i na hrani i hrani za životinje biljnog i životinjskog porijekla* („Službeni glasnik BiH“, broj 48/21).

Projekt 1.1.3 Implementacija propisa iz oblasti sigurnosti hrane

Oblast genetički modificiranih organizama – Vijeće za GMO je, u izvještajnom periodu, održalo ukupno tri sjednice. Usvojen je *Izvještaja o radu Vijeća za genetički modificirane organizme za period 01.01.-31.12.2020. godine*. Doneseno je 12 mišljenja po zahtjevu subjekta u poslovanju sa hranom za životinje za izdavanje rješenja o odobrenju za stavljanje na tržište BiH GM hrane za životinje i sedam mišljenja po zahtjevu subjekta u poslovanju sa hranom za životinje za izdavanje rješenja za obnovu odobrenja za stavljanje na tržište BiH GM hrane za životinje. Agencija je na osnovu navedenih mišljenja donijela 12 rješenja o odobrenju za stavljanje na tržište BiH GM hrane za životinje i sedam rješenja o obnovi rješenja. Vijeće za GMO je također dalo i jedno stručno mišljenje nadležnim organima i zainteresiranim stranam.

Komisija za priznavanje prirodnih mineralnih, prirodnih izvorskih i stonih voda u Bosni i Hercegovini

- U skladu sa Odlukom o imenovanju Komisije za priznavanje prirodnih mineralnih i prirodnih izvorskih voda u Bosni i Hercegovini („Službeni glasnik BiH“, broj 43/20), Komisija je u izvještajnom periodu, nakon razmatranja, okončala 27 predmeta za priznavanje prirodnih mineralnih, prirodnih izvorskih i stonih voda i donijela Mišljenja o navedenim predmetima. U skladu sa Mišljenjima, Agencija je donijela rješenja o priznavanju prirodnih mineralnih, prirodnih izvorskih i stonih voda. Četiri predmeta su u postupku rješavanja i po istim su poduzete aktivnosti za dopunu dokumentacije i slično. Sve priznate vode upisane su u Registar Agencije. Priprema se ažurirana Lista priznatih prirodnih mineralnih voda i prirodnih izvorskih voda u Bosni i Hercegovini kao i Popis stonih voda u Bosni i Hercegovini, koji se objavljuju u „Službenom glasniku BiH“ i na web stranici Agencije www.fsa.gov.ba.

Komisija za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini

- U izvještajnom periodu Komisija je rješavala jedan zahtjev za registraciju prehrambenog proizvoda zaštićenom oznakom porijekla. Nakon provedenog postupka, Agencija je, na prijedlog Komisije donijela jedno rješenje za registraciju prehrambenog proizvoda zaštićenom oznakom porijekla koje je objavljeno u „Službenom glasnik BiH, broj 62/21, dok Agencija vodi registar prehrambenih proizvoda zaštićenih oznakom porijekla, odnosno registar prehrambenih proizvoda zaštićenih oznakom geografskog porijekla. Vijeće ministara BiH je na prijedlog Agencije usvojilo *Izvještaj o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2020. godinu*.

Upravni odbor Agencije je održao 10 sjednica na kojima je razmatrano i usvojeno više propisa iz područja sigurnosti hrane koje, na prijedlog Agencije u saradnji s nadležnim organima, donosi Vijeće ministara BiH. Također je usvojen *Izvještaj o radu Agencije za sigurnost hrane BiH za 2020. godinu i Godišnji izvještaj o izvršenju budžeta Agencije za sigurnost hrane BiH za period 01.01. – 31.12.2020. godine*. Upravni odbor razmatrao je i primio k znanju više informacija iz pojedinih područja sigurnosti hrane, kojima je prikazano stanje zakonodavstva u području genetički modificiranih organizama u BiH, hrane za posebne prehrambene potrebe, dodatka prehrani, prehrambenih i zdravstvenih tvrdnji, te status izrade Programa integriranja BiH u EU za Poglavlje 11, Poglavlje 12 i Poglavlje 13 pravne stečevine

EU. Upravni odbor je, u formi informacija, redovno pratio i usmjeravao tekuće aktivnosti Agencije, među kojima su provođenje Višegodišnjeg programa kontrole ostataka pesticida u i na hrani biljnog i životinjskog porijekla za 2021. godinu, prikupljanje naučno-tehničkih podataka iz područja sigurnosti hrane, te provođenje aktivnosti u sklopu IPA Twinning projekta “Podrška EU izgradnji kapaciteta i postupnom usklađivanju u sektoru sigurnosti hrane u Bosni i Hercegovini s pravnom stečevinom EU“. Upravni odbor održao je i posebnu tematsku sjednicu povodom Svjetskog dana sigurnosti hrane.

Mreža organizacija u području sigurnosti hrane i hrane za životinje - U skladu s „Odlukom o uspostavi Mreže organizacija u području sigurnosti hrane i hrane za životinje“, a na osnovu prijave na javni poziv Agencije, formirana je Mreža organizacija u području sigurnosti hrane i hrane za životinje kojoj je dosad pristupilo 17 instituta, zavoda i fakulteta. Mreža se formira za potrebe realizacije zadataka i projekata delegiranih i/ili finansiranih od strane međunarodnih organizacija među kojima su EFSA, Evropski centar za prevenciju i kontrolu bolesti, Codex Alimentarius komisija, te druge međunarodne organizacije.

Baza eksperata Agencije - Zadaci Agencije obuhvaćaju i pružanje: naučnih savjeta, te naučne i tehničke pomoć vezano uz ljudsku prehranu u vezi sa zakonodavstvom BiH, kao i pomoći u komunikaciji vezano uz pitanja prehrane u okviru programa zdravstvene zaštite u BiH; naučnih mišljenja o drugim pitanjima vezanima uz zdravlje i dobrobit životinja i zdravlje bilja; naučnih mišljenja o proizvodima, uključujući hranu i hranu za životinje vezano uz genetički modificirane organizme. Imajući u vidu da je za realizaciju naprijed navedenih zadataka Agencije neophodno aktivirati sve raspoložive naučno-istraživačke potencijale u BiH – akademsku zajednicu i ostale nezavisne eksperte usko specijalizirane za oblast sigurnosti hrane, u tu svrhu Agencija je formirala bazu eksperata, koja se redovno ažurira i u kojoj su do sada prijavljena 123 eksperta iz područja sigurnosti hrane.

Realizacija zaključaka Vijeća ministara BiH - U izvještajnom periodu, Vijeće ministara BiH zadužilo je Agenciju za realizaciju 12 zaključaka, koji su uspješno realizirani. Realizacija Zaključaka Vijeća ministara BiH je prioritet u realizaciji Agencije.

U segmentu komunikacije sa sredstvima javnog priopćavanja evidentirano je ukupno 44 aktivnosti, među kojima su priopćenja za javnost, izjave za medije te pismeni odgovori na upite medija. U skladu s načelom transparentnosti, kontinuirana komunikacija s javnošću, odvija se i putem web stranice Agencije na kojoj se objavljuju brojne teme iz područja sigurnosti hrane, uključujući informacije o povlačenju i opozivu hrane s tržišta, kao i sadržaji od interesa za stručnu i opću javnost. U 2021. godini na web stranici je objavljeno 65 informacija u različitim rubrikama (vijesti – 40; javne nabavke – 22, laboratorije- 3).

Odgovori na zastupnička pitanja – Agencija je u toku 2021. godine pripremila i dostavila odgovore na četiri zastupnička pitanja.

Zaključak sa 73. sjednice Vijeća ministara BiH (informacija o stanju ravnopravnosti spolova) - U Agenciji je ukupno zaposleno 35 državnih službenika i zaposlenika od čega je 21 žena i 14 muškaraca, i to: *Sekretar na posebnom zadatku – ukupno dva (dva muškarca); Sekretar – ukupno jedan (muškarac); Pomoćnik direktora – ukupno dva (jedan muškarac i jedna žena); Šef odsjeka - ukupno sedam (tri žene i četiri muškarca); Stručni savjetnik - ukupno šest (četiri muškarca i dvije žene); Viši stručni saradnik - ukupno osam (sedam žena i jedan muškarac); Stručni saradnik - ukupno jedan (jedna žena) i Zaposlenici – ukupno osam (jedan muškarac i sedam žena).*

S obzirom na poteškoće uzrokovane pandemijom COVID 19 (koronavirus), Agencija je uspjela uspješno realizirati aktivnosti planirane Programom rada za 2021. godinu.



II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA AGENCIJE ZA SIGURNOST HRANE BIH ZA 2021. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost 2020. godina	Ciljana vrijednost 2021. godina	Ostvarena vrijednost na kraju godine 2021. godina	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
1.1. Procjena, upravljanje i komunikacija rizika porijeklom iz hrane i hrane za životinje											
1.1.1 Procjena rizika u oblasti sigurnosti hrane	02, 03, 04	Broj	214	274	284	Budžet	666.250	489.620	IV	IV	U cilju realizacije ove aktivnosti nije bilo donesenih naučnih mišljenja u izvještajnom periodu. Kako bi se nadomjestilo navedeno, Agencija je pripremila preporuke, mjere i smjernice za daljnje postupanje nadležnim organima i ostalim zainteresiranim stranama.
1.1.1.1 Priprema i provođenje naučnih i stručnih istraživanja i monitoring planova, te izrada mišljenja i preporuka	02, 03, 04	Broj	149	199	196	Budžet	261.855	190.950	IV	IV	U izvještajnom periodu, Agencija je na osnovu obavijesti zaprimljenih putem EU RASFF sistema, INFOSAN mreže i obavijesti izvan EU RASFF sistema pripremila preporuke, mjere i smjernice za daljnje postupanje nadležnim organima i ostalim zainteresiranim stranama. Također su pripremljene i inicijalne procjene rizika porijeklom iz hrane.

1.1.1.2 Prikupljanje i vođenje baza podataka/evidencija	02, 03, 04	Broj	15	15	15	Budžet	170.775	127.300	IV	IV	Agencija je u izvještajnom periodu redovno ažurirala sve uspostavljene baze podataka, čije će ažuriranje i eventualno unapređenje biti nastavljeno kontinuirano i u narednom periodu.
1.1.1.3 Saradnja sa međunarodnim i EU institucijama i organizacijama	02, 03, 04	Broj	50	60	73	Budžet	233.620	171.370	IV	IV	U okviru međunarodne saradnje, u izvještajnom periodu osigurano je učešće predstavnika svih nivoa vlasti na obukama koje su realizirane u saradnji međunarodnim organizacijama. Uslijed trenutne situacije uzrokovane pandemijom COVID 19, obuke su realizirane on-line.
1.1.2 Koordiniranje izrade propisa usaglašenih sa legislativom Evropske unije, kako bi se osigurao izvoz hrane i hrane za životinje, te zaštitili interese potrošača i proizvođača	02, 03,04	Broj	158	160	160	Budžet	621.000	456.080	IV	IV	U izvještajnom periodu je urađen planirani broj propisa, a što je prikazano u tabeli za izvještaj za podzakonske akte.
1.1.2.1 Propisi o hrani	02, 03, 04	Broj	158	160	160	Budžet	621.000	456.080	IV	IV	U izvještajnom periodu je urađen planirani broj propisa, a što je prikazano u tabeli za izvještaj za podzakonske akte.
1.1.3 Implementacija propisa iz oblasti sigurnosti hrane	02, 03, 04	Broj	650	800	873	Budžet	534.750	395.725	IV	IV	Agencija je i u toku 2021. godini nastavila sa aktivnostima koje su se odnosile na implementaciju propisa iz oblasti sigurnosti hrane, a što je detaljnije prikazano u nastavku tabele.

1.1.3.1 Koordinacija u vezi sa hitnim slučajevima, rješenja za odobravanje za stavljanje na tržište hrane, pojašnjenje, tumačenje i odgovori u vezi implementacije propisa	02, 03, 04	Broj	610	800	816	Budžet	491.970	364.067	IV	IV	Tokom 2021. godine u segmentu komunikacije sa sredstvima javnog priopćavanja evidentirano je ukupno 44 aktivnosti, među kojima su priopćenja za javnost, izjave za medije te pismeni odgovori na upite medija. U skladu s načelom transparentnosti, kontinuirana komunikacija s javnošću, odvija se i putem web stranice Agencije na kojoj se objavljuju brojne teme iz područja sigurnosti hrane, uključujući informacije o povlačenju i opozivu hrane s tržišta, kao i sadržaji od interesa za stručnu i opću javnost. U 2021. godini na web stranici je objavljeno 65 informacija u različitim rubrikama (vijesti – 40; javne nabavke – 22, laboratorije- 3). Također je dostavljen i veliki broj odgovora na upite subjekata u poslovanju s hranom, nadležnih organa svih nivoa vlasti i ostalih zainteresiranih strana. Također su praćene aktivnosti u radu Vijeća za genetički modificirane organizme, Komisije za priznavanje prirodnih mineralnih, prirodnih izvorskih i stonih voda u Bosni i Hercegovini i Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini te je u okviru ovih aktivnosti doneseno ukupno 47 rješenja u upravnom postupku.
1.1.3.2 Upravljačka i aktivnost podrške	02, 03, 04	Broj	40	50	57	Budžet	42.780	31.658	IV	IV	Agencija je u izvještajnom periodu izradila sve strateške dokumente koji su bili planirani Programom rada. Također su u skladu s planiranom dinamikom izrađeni finansijski izvještaji, kao i realizirani zaključci Vijeća ministara BiH.

Napomena:

02 SEKTOR ZA PRAVNE I FINANSIJSKE POSLOVE;

03 SEKTOR ZA NAUČNU SARADNJU, PROCJENU I KOMUNIKACIJU RIZIKA;

04 SEKTOR ZA UPRAVLJANJE RIZICIMA, GMO, HRANU ZA ŽIVOTINJE, CERTIFIKACIJU I OZNAČAVANJE HRANE

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BIH ZA 2021. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv zakona	Vrijeme provođenja		Status zakona zaključno sa 31.12.2021. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 (naziv programa)							
1.1.1 (naziv projekta)							
1.1.1.1 (naziv zakona)							
1.1.1.2 (naziv zakona)...							
1.1.2 (naziv projekta)...							
1.2 (naziv programa)...							

IV - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2021. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv podzakonskog akta	Vrijeme provođenja		Status podzakonskog akta zaključno sa 31.12.2021. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3			4	5	6
1.1 Procjena, upravljanje i komunikacija rizika porijeklom iz hrane i hrane za životinje							
1.1.2 Koordiniranje izrade propisa usaglašenih sa legislativom Evropske unije, kako bi se osigurao izvoz hrane i hrane za životinje, te zaštitili interese potrošača i proizvođača							
1.1.1.1 Pravilnik o dopunama pravilnika o voćnim džemovima, želeima, marmeladama, pekmezima i zaslađenom kesten pireu („Službeni glasnik BiH“, broj 35/21)	II	II	DA	DA	DA	DA	Pravilnik o dopunama pravilnika o voćnim džemovima, želeima, marmeladama, pekmezima i zaslađenom kesten pireu objavljen je u „Službenom glasniku BiH“, broj 35/21

1.1.1.2 Pravilnik o maksimalnim nivoima ostataka pesticida u i na hrani i hrani za životinje biljnog i životinjskog porijekla („Službeni glasnik BiH“, broj 48/21)	III	IV	DA	DA	DA	DA	Pravilnik o maksimalnim nivoima ostataka pesticida u i na hrani i hrani za životinje biljnog i životinjskog porijekla objavljen je u „Službenom glasniku BiH“, broj 48/21
--	-----	----	----	----	----	----	---

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2021. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2021. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 (naziv programa)							
1.1.1 (naziv projekta)							
1.1.1.1 (naziv međunarodnog ugovora)							
1.1.1.2 (naziv međunarodnog ugovora)...							
1.1.2 (naziv projekta)...							
1.2 (naziv programa)...							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2021. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5

VII - IZVJEŠTAJ O PROVEDENIM JAVNIM KONSULTACIJAMA KOD IZRADE IZVJEŠTAJA O RADU AGENCIJE ZA SIGURNOST HRANE BIH ZA 2021. GODINU

U skladu s odredbama Odluke o godišnjem planiranju rada i načinu praćenja i izvještavanja u institucijama Bosne i Hercegovine ("Službeni glasnik BiH", broj 94/14), proveden je postupak javnih konsultacija o Izvještaju o radu Agencije za sigurnost hrane BiH za 2021. godinu. Prednacrt izvještaja o radu je objavljen na službenoj web stranici Agencije za sigurnost hrane BiH (www.fsa.go.ba) u dijelu koji se odnosi na javne konsultacije, isti je prošao **e konsultacije** na službenoj stranici Ministarstva pravde BiH i dostavljen na mišljenje Uredu za zakonodavstvo BiH, Ministarstvu finansija i trezora BiH i Ministarstvu vanjske trgovine i ekonomskih odnosa BiH.

DIREKTOR**Dr. sci. Džemil Hajrić**